

¡LA LLERCIA PARALIZA, L'ANARCOFEMINISMU MOVILIZA!

Una vegada más, la patronal, la clas política y los sindicatos verticales aunieronse p'atentar escontra la clas trabajadora, invisibilizando y amatagando inda más les desigualdaes que sufrimos les muyeres.

L'entamu pali que pali de l'actividá nos servicios non esenciales, la estafa del permisu retribuyíu recuperable, el teletrabayu reconocío como medida de conciliación y non como medida preventiva pa evitar la esposición al contaxu del covid19, la omisión de permisos retribuyíos pa conciliar, les escasas midies de proteición nos centros de trabayu y la perda d'emplegu que derivó en bien de casos na perda la vivienda, van azotar tovía más nos sectores feminizaos y en consecuencia sobro les muyeres y les families monomarentales, sometiéndonos al aumentu de toles fiendes que sufrimos pol fechu de ser muyer y clas trabajadora.

Aprovechando l'andanci, l'estáu va crear delles midies inda más represives pa nosotros. Mientres nos encarcelen dientro de les nuses cases, condenándonos a la sobrecarga que supón asumir tolos curiaos, y paralicen les nuses vides, oblíguennos a caltener activu'l sistema capitalista al traviés del teletrabayu. Vulneren los nuegos drechos algamaos (implantando ERTE, flexibilización total d'horarios), dando asina continuidá a l'aspiración eterna de la patronal que poco a poco va algamando'l so propósiu: trabajadores afayadices nun curtiu espaciu de tiempu, ensin drechos y ensin protestes.

Nomar y asoleyar les desigualdaes que sufrimos ye imprescindible pa tomar conciencia hacia esa tresformación por un mundu llibre ya igual.

Una vegada más, les muyeres venimos d'autoorganizanos pa cubrir toes eses carencias que la clas política nun quixo desanicar. Nosotres mesmes vamos crear redes d'apoyu pa sofitar a les persones frayaes, a les muyeres zarraes col so maltratador y a tou esi gran sector feminizáu que fai parte de la economía somorguada y son escaecies polos medios de comunicación y los estaos.

La educación feminista y l'autoorganización de les muyeres son les nuses ferramientes principales.

Somos anarcofeministes, naguamos por un mundu nuevo, pero non esta nueva normalidá.

Poru, llamamos a la revolución, pa esfarrapar xuntes la sociedá machista y heteropatriarcal que mos asfixa y que busca desintegrar la nuesa fuercia feminista.

Por un mundu nel que la igualdá nun seya una utopía, sinon esa realidá que les muyeres llibres lluchamos por construyir.

